


鉅鹿東觀集

共七卷



鉅鹿東觀集序



文勝質則史質勝文則野夫詩之作不與

文偕大率情根于意言發乎情點而化之

流句章句且綺靡者不以烟火為尚風雅

者不以金石為多但務其陳古刺今去和

守正而已非所謂者雖懷質文之宏辨負

博勝之逸才固未能臻極于淵闔矣鉅鹿

魏野字仲先甘棠東郭人也秉心孤高植

性冲淡視浮榮如脫屣輕寵利若

義用仁世稀與比自非及長苦于詩筆每
叙事感景發見景立言非規方體圓
的故人之羨惡物之形態時之興替事
之持變遇事激發則可千里之外而應之
舊有草堂集行在人間傳諸海外真可謂
一代之名流詎俾乎逸才宏辯者知也大
中祥符中

先皇帝展祀汾睢誕由力陂海輅所幸博
采隱淪是時首被溫詔遜避不起其介介
也如此余與交越三十年凡遇景遣興迭
為酬唱每筒遞往還則馳無遠邇天禧已
未歲余尹正京洛許造公居豈謂未及其
期而隨化物太
天子聞之乃震悼制贈秘書省制作即仍
錫之賻幣蠲以公徯其光道也又如此今
歲之春余忝綏益部載歷卻陰憇止之辰
追訪郊墅噫岩亭索寞淒涼此時竹樹青
葱依稀舊日奈伊人之既往而流風之如

在有令息閑尤增素尚綽有父風能琴外
亦酷于二雅出先君所著新舊詩四百篇
除零落外以其國風教化諷刺歌頌比興
緣情者混而編凡其詩之所覩者彙為七
卷求為序述欲使乎先君之道之行彬蔚
而不泯耳余 往知生不當註讓聊陳梗
槩用布之于編首漢書班固引著作局為
東觀因取諸贈典故命之曰鉅鹿東觀集
時天聖元年十二月二十七日樞密直學
士知益州苑兵馬鈐轄薛田述

道光乙酉冬十二月漢陽葉志洗借校一過並識



東觀集目錄

中山人



第一卷

乙巳郊天

秋日懷王專

新晴

贈岐賁

閒居

贈韓見素

呈寇相公

謝寇相公

上寇相公

寇相公生辰二首

寇相公見訪

寇相公生辰因有寄獻

秋夜書懷

上知府

謝惠紗扇

寄太中山人

上知府

冬日

盆池萍

題李先生隱居

送趙侍郎

送王專赴任

酬薛田

謝惠藤休藤枕

苔錢

題河亭

送徐道士

贈王寺丞

送趙寺簿

游麗春園

謝李待制二首

喜岐賁王闈見訪

謝孫舍人

贈潘閔

述懷

送楊甫之蒲中

送王衢赴舉

寄陳越

白菊

東觀集卷之一

宋魏野仲先著

詩

乙巳郊天

萬物盡熙熙郊天禮畢時安邊文教遠過
過赦書遲南牧雖無也東封合有之茅堂
自歌咏何必向丹墀

秋日懷王專

菊花原上立村落雨晴初晚吹清群物秋

光淡太虛空看新雁字不得故人書猶賴
華亭崔林間伴索居

自和
新晴書事上宋諫議

美化何由見民歌處處同雨中知縣足獄
奏半年空郡閣烟光裏人家霽色中倘吟
知淺拙將愧獻明公

贈岐賁推官

動靜不違書如君始是儒婢閒猶畫卦兒
戲亦投壺門冷僧長往官清道更孤吾君

能大用皇宋即唐虞

閒居書事

無才動聖君養拙住山村臨事知閒貴澄
心覺道尊成家書滿屋添口崔生孫仍喜
多時雨經春滿灌園

贈筆山致仕韓見素

盡垂華髮戀金門獨乞懸車未五旬清世
一般為隱逸碧霄兩處應星辰繡衣脫下
寧方貴錦帳眠來不稱貧瀟洒易添新道

氣光陰難散舊風神老輕白傳方歸洛亂
鄙黃公好避秦象簡豈同青竹杖鷹冠爭
勝白綸巾世間名系昌朝客物外銜稱太
華人醉指鰲頭為別業吟誇仙掌是比鄰
劍生塵土指磨懶書帶烟嵐晒曝頻石鼓
曉聽殊待漏玉潭時看異迷津琴憐薇外
聲弥淡酒愛菊中味更醇精細處方因療
崔等間開日為迎賓芝田女僕皆能採蘭
佩兒童亦解紉丹訣有靈還似性詩篇無

病恰如身要君計想嫌弘景棄室翻應笑
子真預築全家上昇日願停絳節許相親

和呈寇相公見贈

深嚴相府絕纖埃宴會尋常召不才孫閣
有歌凝翠黛召棠無訟鎖青苔鳳池即看
三迴入蝸舍曾蒙數度來仍贈雅章難繼
和朱門將獻又徘徊

謝呈寇相公見召宴

兩度為霖六鎮臨春殘公暇宴棠陰周瑜

辨樂寧妨醉裴度論兵不廢吟五色詔書
丹鳳降十香御酒翠娥斟野人每喜陪樽
俎三入惟愁阻訪尋

三上人知府寇相公

文武稟全才何人更可陪有官居鼎鼐無
地起樓臺聖主詩方和親王狀始迴鎮臨
求二陝調燮輟三台鳳閣須重去龍旌暫
擁來下車三度雨上事數聲雷未暇瞻圭
璧先蒙訪草萊幾思趨相府恐懼復徘徊

寇相公生辰二首

嶽瀆精英氣來鍾積慶門何時坐上相明
日是中元仙藥寧無種靈椿別有春根佇
期三入後一品見玄孫

其二

奕世英髦命世賢懸弧時節早秋天蟾光
望處將三五鳳曆推來却半千功向清朝
終突兀壽同皇祚合連延預愁來歲逢今
日不得中書獻此篇

謝寇相公見訪二首

晝睡方濃向竹齋柴門日午尚慵開驚迴
一覺遊仙夢村巷傳呼宰相來

其二

中書兩入寇尚書出鎮雄藩半載餘棠樹
陰中無訟聽聞騎寶馬到茆廬

寇相公生辰因有寄獻

宋朝元老更推先已咏功成二十年好本
上天辭將相歸來平地作神仙坐看雲岫

資閑興卧聽霓裳引醉眠多少年辰獻詩
應無真禱似狂篇

和減奎秋夜書懷

林中獨坐欲中霄落葉紛紛觸壞袍月影
漸移蛩韻急露華初上雀聲高四時催老
秋偏感萬事縈心夜更勞猶賴清風知我
意頻吹庭竹助蕭騷

上知表刑部

星辰雖應碧虛中富貴情疎道氣融繞野

雲烟陪淡薄入衙山水學清通申湖靜泛
孤舟月棠樹涼生一扇風却有祖先難似
處獻詩民住樂郊東

謝薛端寄惠紗扇

雀色紗蒙烏府寄裁衣不称着林中水亭
君有親題處留待他時染碧籠

寄太中山人

太白空來數百年貫之今称隱其間靜應
笑我藏名拙惹得人多到竹關

上知府趙侍郎二首

往哲英靈在重生出鎮初傳岩存舊跡棠
樹認前居美化民歌實流言帝覺虛暫來
淹外郡再入老中書善欲皆升舉奸思盡
剪除登科唾負鼎避事鄙懸車權助天生
殺才隨道卷舒百官憑整肅萬物待吹嘘
接士殊龍板尋僧却隼旗嘉謀常啓沃諫
草旋焚如赤子方安枕黃巾亦荷鋤
經宿禁農有數年儲山勢朝衙署河聲貫

閭里野人攜此詠將獻幾躊躇

其二

坐棠虛廟堂俗亦似身康藥按仙方鍊茶
開御印嘗吏因呈案懼民為立碑忙公退
無餘事逍遙亦道粧

冬日書事

一月天不暖前村到豈能聞聞啄木鳥疑
是打門僧松色濃經雪溪聲澁帶冰吟餘
還默坐稚子問慵應

盆池萍

乍認庭前青蘚合深疑鑑裏翠萍稠莫嫌
生處波瀾小免得飄然逐衆流

留題敷水李先生隱居

棠樹陰中來得得蓮花峰下去遲遲好將
岩外岩磨取為到西巡御賜詩

送趙侍郎移鎮長安

千騎蕭蕭曉發時雨先一夜洒長岐盡知
暫去臨鶉野即看重來向鳳池函谷亂花

明劍珮灞橋垂柳拂旌旗不同調鼎民皆
樂秦旬歡呼陝服悲

送王專推官赴任河中

聲華籍：祖風存况佐風流謝使君健筆
想無詩債負漏卮應少酒知聞駟裝劍懶
從人借謁廟香非為已焚好對前山忠節
儉夷齊餓死舜耕耘

酬薛田推官見贈

紅蓮客惠碧雲篇未及他買石鐫且選眼

竹中和烟大刻兩三聯

謝王耿太傅見惠藤床王虞部見

惠藤枕

藤床藤枕睡騰騰軟勝眠沙与曲肱知似
邊韶偏寄惠夢中長亦感心兩

知得箇苔錢八韵

物外幽奇物吟看復嘆吁豪家如可用窮
卷却應無間共僧贏得卑嫌俗競呼山疑
和雨買地似帶烟租密鎖怜庭竹深藏恨

砌蕪貧多寧損志嫌少不為愚良治何由
鑄常流豈易圖野人惟自愛難把悅妻孥
陝郡衙中寺亭臨翠靄間數聲離岸櫓幾
點別州山野客猶思住江鷗亦望還隔墻
歌舞地喧靜不相關

送徐道士赴闕

捧詔異常倫無官豈累真歌知空似性琴
想重于身卧必思雲切行應待雀頻林間

起相送暫覺世還淳

寄贈藍田王闕寺丞

藍田名冠古京華詩匠移風更可誇解使
射生人改業能令逐熟客安家韓文公記
存廳壁王右丞居對縣衙見說偷說偏住
處悟真寺裏好烟霞

送趙寺簿東歸

官滿猶如下第貧軒車迎賴舊田文九臯
禽畔偏辭我六出花中獨送君易把當盃

惟俗物難持，賈路是溪雲。孝終且覓甘棠，
卒談笑還圖得再聞。

和寇寺丞夏日游麗春園

麗春園甲台，公城池想遊魚恨。至清一簇
樓臺如畫出，數群鷗鳥似家生。芟荷香裏
垂綸坐，楊陰陰中把卷行。不領管絃唯靜
憇，相門年少有高情。

謝龍圖李待制見寄二首

烟霄閒似在烟霞，惟有龍圖學士家。和了

御書垂錦帳，臥聽仙樂出宮花。

其二

遙知清貴孰能攀，天上閒勝地上閒。除對
聖君論道外，時題詩句落人間。

喜岐賁王闈見訪

久別思方切，同來宿敝廬。閒聽一夜話，勝
讀十年書。拙喜文情在，貧慙主禮疎。共嗟
高會少，且願更躊躇。

謝孫舍人題名水亭因有紀贈

紫微客寫青苔壁不與尋常姓字同多謝
溪雲知我意預先替作碧紗籠

贈潘閔

昔年放志多狂恠若比來今總未知從此

華山圖籍上又添潘閔倒騎驢

潘閔昔有過華山詩

云昂頭吟望倒騎驢

春日述懷

春暖出茅亭攜筇傍水行易諳馴鹿性難
辨鬪禽情妻喜栽花活兒誇鬪草羸翻嫌

我慵拙不鮮強謀生

同大孫狀元送楊甫之蒲中

蒲本舜都州君思獨去遊雲分五老頂河
噴二妃樓雨足果全熟霜遲葉尚稠此行
貧莫嘆飲錢是三頭

送王衢赴舉

獨薦因公道孤寒去若何遙裝行李少近
事祖筵多小雪飄嵩嶽微冰結汴河歸來
乘駟馬林下願重過

寄贈陳越兼簡臧奎

君遊帝里共喧喧我向溪邊獨悄然工部
聲華窮委地翰林風骨醉看天朱門想少
投封狀兩制應多借盛編佇聽彤庭呈試
罷龍頭相讓一人前

白菊

濃露繁霜着似無幾多光彩照庭除何須
更待螢魚雪便好叢邊夜讀書

東觀集卷之一

東觀集目錄

第二卷

四十自咏

喜大孫狀元見訪

謝師刑部

贈錢舍人

送太白山人

懷閏師

賀潘闋

送朱台符

謁禹祠

述懷

寄竇寺丞

送李主簿

酬王太傅

題竹

謝惠山菜

送丕上人

和王衢見寄

送師刑部

贈孫學士 三首

送劉法曹

贈崇上人

送臧奎

贈劉燁

賀張師德狀元

贈李瀆

寄劉密學士

贈卞寺丞二首

檀師告歸廬嶽贈之筇杖

王衢下第

送臧奎

贈知縣

上趙中令

題新亭

上陳使君

寒食

送馬共

送喬職方

再送喬職方

鳴琴泉

王氏亭聯句

東觀集卷之二

宋魏野仲先著

詩

却並史四十自詠

閒心雖不動記性覺全衰
碁退難饒客琴生却問兒
手慵農器信身散道裝知
筆硯將何用除因改舊詩

喜大孫狀元見訪

道同忘貴賤陋巷每頻看
相見唯呼字面

題不着官狂吟無所忌靜坐有餘歡却恨
歸公署茆堂會宿難

謝師刑部見召

錦帳公餘後紗巾名見初一言忻契合三
拜愧生疎漸見詩多拙方知譽轉虛猶能
時遣吏相問到貧居

贈三門漕運錢舍人

相知有宿緣一見兩欣然我拙宜名野君
廉却恨錢唱酬思閣筆迎送愧樓船却恐

徵歸闕慵過砥柱邊

送太白山人俞大中之裔於訪道

友王知常泊歸故山

羨我詩中偶有名輸君物外更無縈水聲
山色為聲色崔性雲情是性情四皓雲間
尋舊友三清路上指前程連天亦白從君
去林下何時得再迎

莫秋懷閨師

風清月白樹紅時無柰重城隔閨師却羨

潺湲階下水夜深流入白蓮池

聞潘闈新授滁州散參因以寄賀

江鄉思忒勝還鄉官職尋常事不常會得
聖君無別意只應圖記賈司倉

送朱台符學士關西巡撫

聖主念黎庶選君來撫綏望高虛兩制權
重帶三司帝澤隨車布文星逐郡移語稀
如學淺僕少似官卑疏減民間賦編添馬
上詩經游吟勝異迎送厭歌吹寒別申湖

晚晴過華嶽遲瓊林忽迴日未失賞花期

陪喬職方泛舟之三門謁禹廟

波浪濺旌旗東游謁禹祠千秋花發日兩
院嶽空時城裏間棠樹船中舞柘枝晉公
曾禊洛不台野人隨

冬日述懷

癭枕閒歌藋泊寒浩然情性雪晴天却嫌
雖窄饒聲氣驚覺茅簷曝背眠

和三门竇寺丞見寄

風情不獨少人同滿腹書寧愧郝隆職務
恰如波正急韜囊長似獄長空柳藏衙樹
侵隄綠旗插樓船始岸紅見說公餘無一
事題詩多在禹祠中

送李主簿之任南陵

無嘆徒勞向宦遊不群氣岸有誰知南陵
暫掌仇香印北關終行賈誼書且喜江山
尋勝境莫辭蒞杜別幽居少年躍馬同星

使免得詩中道跨驢

賈島詩云長江飛鳥外主簿跨驢歸

酬王太傅見寄

錦川誰為寄陽春清淨堂中清淨人二十
八賢刊石處長如列宿始聞身

題閏師禪亭雙竹

離藜並長對禪局乍見翻疑是一莖我恨
與師居隔郭他生願似此君生

謝喬職方惠山菜

山菜尋常見眼明使君偏賜况新生野人
屈指皆知性老圃從頭不識名五鼎減來

為異味一簞添出稱閒情兒童笑道真嘉
饌詩思因餐覺轉清

送丕上人南遊

江山獨去遊、遍始應休雲卧敲清磬船
中剃白頭阻風孤島晚聽雨二林秋南國
多嘉境詩牌幾處留

和王衢見寄

久向東郊住暫同麋鹿遊情山岐路熟見
客禮儀生藜杖新仍重荷花破轉輕身猶

為外物詩亦是虛名自愛閒無悶誰憂道
未行絕疑踈日者相許媿時英窮易憐無
着圍棋惡有爭惟應心友至林下笑相迎

送師刑部赴闕

白首休嗟嘆君方任老臣鳳書總入手鵲
印喜離身錦帳眠來舊花磚步去新離情
棠樹晚吟思洛陽春御札催應併文天動
已頻拜迎臺有吏泣送卷無人寺宿知題
壁山行想駐軒從茲歸近密閒謁轉無因

何平孫學士以詩見寄因次本韵
繼和三章用為酬贈

表裏山河舜帝基
聖君館殿選賢知
開筵想任佳人擁
遊寺應嫌俗客隨
政訝龔黃推絕席
文疑元白監降旗
逍遙樓迥難登處
幾望皇唐御製碑

其二

入居蘭省歸群望
出守蒲關自聖知
清禁乍辭仙漏遠
白樓閒上彩箋隨
伯夷廟下境祇應
公暇遍留詩

其三

山前衙署枕河湄
遠意縈居事可知
華省圖書雖暫別
故鄉風物似相隨
遶城奔浪喧更鼓
隔岸征帆映酒旗
刻石將同王閣長
永留遺愛向歌詩

送劉法曹東歸

上官多是嘆窮途
得替行裝盡有餘
唯有

甘棠劉法椽來時騎馬去騎驢

贈宗上人

張籍眼昏心不寐
昧宗師耳曠性還聰
是非言語徒喧世
羸得長如在定中

送臧奎赴舉

艱難天府解去掇
喜還悲舊相和文薦
偏親帶病除辭劍
如機不用琴似影相隨
僕為初招驄驢因賤買
羸窮途誰惻隱
負巷自裝褌
襦錢送重陽
後榮歸上巳時
泪多

同永別酒少若輕離
又使林中客從役
今所思

贈潁陽知縣劉燁著作

門風是相門積慶
豈須論祖德書儀
在科名榜貼存政聲
聞牧監墨跡見花村
物論將徵用多應
入諫垣

聞張師德狀元登第
因以寄賀兼

呈梁固狀元

科場消息到柴扉
皇宗風流事可知
封禪

連榜狀元俱是狀元師

寄贈河中表兄李瀆

早年聲譽壓群公，恥與浮華鬪競同。似我
枉教縻好爵，如君方信是冥鴻。軒車少見
權門下，圖籍多于秘閣中。豈獨聖朝無賀
監，退藏自怯達堯聰。

和并州劉密學見寄

還如裴度鎮河中，百萬軍民畏愛中。鐘鼓
久喧刁斗靜，旌幢一指雁門空。瀟湘故友
叅時務，燕趙佳人接土風。密地再歸知不
出，莫將竹馬約蒙童。

寄贈三門漕運下寺丞二首

威權自與轉輸同，僕從衙庭事：雄十郡
山河關職務，一門忠孝是家風。圖書半在
仙舟裏，碑板多留禹廟中。閒想金堤游賞
處，桃花浪照舞筵紅。

其二

三門遙想六龍家，多少春來事可誇。閣道

尋僧同鷲嶺樓船載妓勝仙槎送迎幾拂
新亭柳巡歷時穿舊縣花野客尋常思舊
謁却愁詩酒勢難加

檀師告歸廬嶽贈之筇杖

瘦筇生本接西蠻我已攜來二十年輒贈
檀師歸老處祇將吟倚虎溪邊

聞王衢王專下第因有所感

忽見僧來說千愁集病顏聞君俱下第使
我轉思山疑欲鑽龜卜窮應咲雉還此懷

何處寫月上太虛間

送臧奎之寧君謁韓使君

路遠郊外嚴冬去若何時平防賊少山
險下驢多塞色晴猶慘蕃音譯尚訛賢侯
雖禮待陟屺願頻歌

贈長安知縣陳堯佐

少作長安宰尋常似隱夫琴書家慣有杖
印客疑無錦水心雖役圭峰眼不辜閒簽
歸葉狀貧典舊山圖酒為廉猶斷碁因讓

忽輸即看聯雁序相繼在蓬壺

上致仕趙中令

王業致艱難功成退自安閒中猶有俸品
外更無官洛水垂簾聽嵩峰凭几看唯應
問安詔時復到門闌

題高都監新亭

高氏創為亭因寺得名半空雲咫尺百
里鏡分明襟帶山圍陝咽喉地接京晝閒
多待士時靜少論兵鐘磬聞蓮舍槍旗見

柳營吾廬正相望不似在重城

上左馮陳使君

祖德相關門分符衆比難憂民如有病見
客似無官地鎮三秦重衙當二華寒道心
輕仗鉞詩性鄙登壇佐幕多名士開顏少
俗歡星連蒲分野河帶渭波瀾勸課耕初
動行香漏未殘書容吾道借琴聽越僧彈
拜勅風鳴珮朝元露濕冠皇恩終錫馬清
夢必駮鸞報國嫌言利修真咲煉丹高碑

入侍立此詠願同刊

謝孫狀元寒食見贈

一首狀元詩封來到竹扉讀留寒食燭拜
換道家衣譽過心無愧酬遲禮暫非閒思
播琴裏誰更會玄微

送馮共之任內江縣尉兼主簿

驢上吟詩賈島同內江歸去指江東封疆
半在猿聲裏道路多穿竹篔簹中想得兩衙
長鎖印應過三載不張弓重登制策高科

在筆硯公餘莫廢功

送喬職方赴闕

一種徵書下九 漢唐賢士豈能同定歸

金馬殊黃散不解銀魚勝白公千騎擁行

岐路滿萬人泣送郡城空他前若繼前交

代肯憶棠郊崔髮翁

喬職方將赴闕詔領河東轉輸再

成長句送之

河東控塞詔通儒二十餘舟繫慘舒位列

九天應自致權除
兩地更誰知薦賢表想
慤慤發詠物書應取次書
不為龍鐘頭半
白好拋泉石從軒車

留題澹州姚氏鳴琴泉

琴裏休誇石上泉
爭如此處聽潺湲
爰于琴裏無他意
落砌聲是自然

將離藍田同王關太傅飲于王氏

亭聯成二韻

白鹿原東澹水西
楊花漠草萋野那

堪對此還醒別况是啼鳥
醍醐鳥正啼

關

東觀集卷之二

東觀集目錄

東觀集目錄

東觀集目錄

第三卷

謝惠崔

送元上人

詠懷

謝商秘丞

寄孫舍人

謝惠書

送陳越

水鏡閣抄錄

謝惠美酒二首

郊居

送俞山人

謝惠蜀箋二首

贈進士

題村亭

謝惠白雞

夏日

寄宋逸人

莫春

謁劉華

登原州城

送趙侍郎

白鵬并序 四首

送王闢

謝薛秘丞

草堂

重過陝下 二首

酬閏師

乞棧紙

送王遷

送諤師

寄上人

贈竇程寺

東觀集卷之三

宋魏野仲先著

詩

謝馮亞惠雀

慙慙親惠雀迨逋自江濱性情渾如我精神
酷似君舞思同座看啖想隔城聞從此
添詩景為題好共分

送元上人歸寧

禪性雖無着偏親奈白頭直應飛雪到方

是倚門休雪裏猶去花前豈易白如何迎
侍得住近免離愁

詠懷

靜願身兼世何須哂復吁境牽情各有道
斷事皆無拜少腰寧負眼多眼不辜權豪
任相笑適性自為娛

訓謝商秘丞見贈詩牌

初得春方暖今來歲已闌紫泥辭却易白
雪和終難頻拂心事倦時吟齒覺寒會須

親謝去間拄釣魚竿

和長安孫舍人見寄

長安君到轉民安夏少炎蒸臘少寒接使
管絃登月榭勸農旌旆入烟岫龍池似錦
花堪賞鶉野如雲稼好觀見說添蘓亞蘓
小隨軒應是珮珊珊

謝喬職方惠書

珍重君郎一紙書親書何啻敵瓊琚便回
豈易逢歸雁頻看應難長蠹魚先寄路經

千里外後批情更萬重餘靜思貴不忘貧
賤當日荊州亦未如

送陳越之河中寧觀

寧觀高坐舜世西欲辭東閣思依三台
筵上飛觴送五老峰前負米歸莫嘆貴無
蘓子印且憐榮有老萊衣舊書達少應投
杼新集鑄多肯斷机紅菜村坊臨水迥黃
花岐路入山微重陽雖近難留住把高登
高興一作會又違

太保瑯琊相公見惠美酒因成二
絕用為謝

從前相輔豈頻出獨在中書十五秋太嶽
汾陰封事了只回好伴赤松遊

其二

玉液定從金口輟曹樽分又到顏瓢豈無
愁悶憑消處麴蘖恩濃豈易消

冬莫郊居

村落欲黃昏寒雲片
凝隔城鐘似磬遠

岫燒如燈名利堪彈指林泉但枕肱何由
遂間散自喜本無能

送俞極山人歸太華

三峰倚太虛四嶽竟難如雲向中方起人
歸絕頂居道全忘世態詩必合天機不待
辭榮本還應笑二疏

謝長安孫舍人寄惠蜀箋并茶二

首

彩箋一軸敵瓊瑰喜見親題手自開遠勝

浣花人寄到貴從視草客分來百張重疊
霞初卷千色參差錦上裁紅藥篇章方雅
稱老夫無用擬封回

其二

誰將新茗寄柴扉京兆孫家小紫薇鼎是
舒州烹始稱甌除越國貯皆非盧仝詩裏
功堪比陸羽經中法可依不敢頻嘗無別
意却嫌睡少夢君稀

和進士田亞父見贈

失意人方羨野人因訓佳句謝知聞都緣
月桂終難捨豈是烟蘿不肯分且縱高情
歌白雪莫嗟下第負青雲孤寒自古功成
晚那獨昌朝只有君
園林都尉宅景好冠京華便合名車金谷其
如是石家池塘分御水樓閣見宮花有客
因來說令人動嘆嗟

謝潘閨見惠白雞

遠惠雞同雪應圖警卧雲如君鳴有信似
我素無文映樹迷蟾彩臨流雜鷺群朝昏
何所恨不共隔籬聞

夏日書事

尋常可出門况復在炎蒸短褐披猶懶長
裾曳豈能松風輕賜扇石井勝頌冰只此
貧無事常愁不易勝

寄贈長宗漣逸八十韻

家盛翻嘉遯誰同物外情徵君為密友內

翰是難兄靜論儒家服狂歌使少驚道裝
輕紫綬酒旆勝紅旌將相慵趨謁渙樵喜
送迎門間紫閣色歌枕漕河聲野雀聽調
瑟沙鷗看濯纓烟霞連社曲桑柘接昆明
丹訣皆親寫芝田忽自耕終須盡室去相
並掩柴荆

和陳推官莫春感興

角冠閒戴任欹和騎馬人稀到我家僧休
盤飧惟笋味道情欄檻只松花驚回馴鹿
林間犬聒殺靈龜雨後蛙春雨尋常何足
歎自將寂寞並繁華

和河中孫諫議見送同薛田察院
之龍門謁劉燁大著

閑憶披雲輟卧雲盡驚獬豸鹿同群舜耕
山下舜庶使禹鑿龍門謁寄君莫訝樓臺
拋接武却愁泉石動移文花時離別尤堪
惜頭白三分欲二分

登原州城呈張蕢從事

異鄉何處最牽愁
獨上邊城一上樓
日暮北來唯有雁
地寒西去更無州
數聲塞角高還咽
一派涇河凍不流
君作貧官我為客
此中離恨共難收

送長安趙侍郎赴闕

嗣君徵舊相
物論更無餘
聖日歸黃閣
台星正碧虛
四方聞樂只一郡
泣漣洳
灞水猶疑噎
秦雲亦不舒
綺羅圍祖席
朱紫擁征^車從
樂時調瑟行
厨忽饌蔬
先碑唯選侍
遞鋪只擔書
古道禾殘後
長亭木落初
朝官逢下馬野
客送騎驢
從此門尤峻
何由再曳裾

白鷗并序

玉潤陳越監丞至伏蒙尚書寄
惠白鷗一隻竊以南方獻處本
期宿于鳳池東榻寄來忽有先
于蝸舍此蓋尚書久怜鷗處特
枉鴻思捨已從人遠辱佳禽之

惠以貴下賤難忘國士之知野聞
寡雀鳴智同鳧脰言謝之碧雞之
辨報恩增黃雀之誠因作四首
萬里南禽未說珍且論得處到來因尚書
遠托誰相寄制策登科第一人

其二

山雞形狀雀精神紋似漣漪動白蘋物異
恩殊堪鄭重廟堂人寄草堂人

其三

水國籠來到水村也應懷土也懷恩曾為
閑客還同我今日俱遙舊相門

其四

李白詩中聞未識謝莊賦裏見長思今朝
得爾心雖喜致謝慙無吐鳳書

送王闢赴舉

何必問龜長知音在玉堂十全才歟許雙
美卷親裝雲少離山驛塵多近帝鄉花時
新榜帖先為達巖房

和玄武縣薛秘丞繼示手書因以謝之

至文忘貴賤豈可與常論少似君書札多
于我夢魂楊岐從蜀邑寫遞到烟村倒篋
時將讀誰言我眼昏

秋霽草堂閒望

草堂高扁勝危樓時節殘陽向晚秋野色
青黃禾半熟雲容黑白雨初收依：永巷
聞村笛隱：長河認客舟正是詩家好風

景懶隨前哲却悲愁

和孫舍人重過陝下二首

二陝重過一紀強麻衣已變椹袍光數宵
黃閣延三字幾處青樓認五卽願我豈能
誇舌在逢君寧復嘆唇亡大龍頭喪同傷
處吏隱亭欹鄭谷傍

其二

一種分符兩種榮朱衣院吏擁紅旌全家
首赴鄮侯鎮半路重過台伯城迎步綺羅

無舊態隨軒絲竹有新聲野人相見欣還
愧為愛交情似世情

訓閏師見贈

絕唱知難繼因茲久滯淹隔年酬不得終
日誦無厭曬曝偏防蠹收藏別着簽偶
吟聊報遲拙莫相嫌

乞箋紙寄犀浦王專著作

故人何處暫駟雞犀浦封疆濯錦西五色
彩箋宜寄惠知：管得浣花溪

送王遷歸青社

此別重傷情寒天二十程弟分微祿送兒
逐蹇驢行雪蔽千山色冰含萬水聲何時
再相見去去海邊城

送諤師赴王寺丞台寫碑

才高吐鳳欺黃絹墨妙迴鸞命碧雲雙美
便堪傳萬古羲之書法退之文

寄用晦上人

帝里如何忘舊山却因知己得名賢司倉

道合唯無可吏部交遊祇大顛紫色袈裟
無蕙帶清齋襯施有苔錢詩中琴裡偏相
憶用晦還應信仲先

和三門竇程寺丞見贈

禹門公署似仙居誰羨同年在直廬閒製
曲教鴉角唱醉吟詩遣鳳毛非書蒙過村
巷驚玄豹命踏廳堦上白驢莫訝此篇酬
更晚只緣思澁豈情踈

東觀集卷之三

東觀集目錄

第四卷

宿三門二首

題書齋

三門留題

寄山人

登樓

寄薛減王三運使

贈神童

送俞太中

題書樓

送任乘

呈二上人

新雀

出戶

次韵二首

聞雷宣徽薨背勅葬歸鄉

寄進士

送唐察院

訓劉太著

遊晤真寺

題仙游寺

清明

寄薛戶

懷宗人

詠雀

雨中

送進士

贈趙供奉

禹廟

酬耿殿丞

百舌鳥

送吳石

莫秋

寄王仲通

送王太傅

寄陳學士

東觀集卷之四

宋魏野仲先著

詩

同閏師宿三門門化院二首

白蓮社主碧溪人同宿三門寺裏雲四面
濤聲秋更怒並床猶恐語難聞

其二

瘦筇輕雪共攜遊砥柱峯前宿寺樓各有
溪居懶歸去經旬不是兩相留

寄題洪州華林胡氏書齋

江僧昨日到茅齋曾向華林挂錫來因說
胡家宗族盛御書樓對義門臺

三門留題

何由通九曲始自鑿三門夏禹功如小東
溟位豈尊鼃鼃當日窟雞犬此時村渦恐
和山漩濤疑若石奔勢愁春地軸聲想震
天闍寺廟中流烽烟雲兩岸屯樓臺疑蜃
吐舟楫畏鯨吞遊客雖驚險居僧不厭喧
如潮無振鷺似峽穴猿啼孤店經商少雄
司漕運繁人家無釣具烏道有簞痕喪膽
尋遺跡傷心吊溺魂析城唐記列底柱祖
名存况復詩書載狂題愧雅言

寄太中山人

相訪住三年初終道一般知心于我異屈
指似君難有物皆同咏無書不共看草堂
今獨處寧免動長嘆

登龍門縣樓與知宰劉大著作將

話別因有題句

名士為官處登樓景好題
縣城蠶市開村
墅鵲巢低日暖園蔬嫩
晴烟墮齊麥長宜
同此望那忍話分攜

夏日懷寄西川峽路淮南薛減王

三運使

運使幽人酷暑時江邊林下
兩何為信旗
君逐舟車動懶架吾隨簟枕
移繡袂幾經
梅雨灑葛衣一任竹風吹
蜀山淮甸棠郊

外早晚相逢豁所思

贈王氏神童昆季

先後登科出玉京滿朝詩送
更光榮豈惟
皇宗終難繼自古神童少
弟兄

送俞太中山人歸終南字貫之

俞貫之辭魏仲先終南歸
太落花天如何
相見還相別早晚溪雲一處眠

題鄆縣楊氏書樓

竹多千畝餘賣竹濟貧儒
門掩圭峰影樓

添鄂郡圖螭涎緣棟有雀跡入泉無約終
重来此相隣卜養愚

送任乘南歸

歸郡江山遠如何叙別離數杯村店酒一
首野人詩趁渡憐舟穩貪程恨馬羸遙思
到家日已過落花時

偶作呈諤閏二上人

老雖無悶向茆堂忽之還因物感傷積霧
易迷平地水孤雲難護滿天霜祥麟可向
清時見警鶴那于黑處藏信意偶然成此
咏祇堪閒寫与支郎

和人見詠新雀

雪霜毛羽瘦形儀養處人家覺道肥龜有
壽齡方可近鷺無仙分莫相依千年松上
疑孤立五色雲中好共飛不競棲巢爭飲
啄也應難免眾禽非

出戶

出戶下莎庭徘徊當踏青靜嫌鶯闌舌閒

愛崔梳翎雲好昂頭望松宜側耳聽便堪
為導引誰信可延齡

次韵和薛端公歸故里之什二首
齒旗影裏樵袍身迎入蒲津免問津策蹇
去時為舉子乘駄歸日是功臣豈同化崔
千餘歲總過登龍十數春開宴仍聞傾錫
賜酣歌喜殺故鄉人

其二

尚輟通儒外計籌堂身豈等閒儔綺羅
笑別文翁郡錦繡榮歸舜帝州貫酒身穿
紅樹過讀書寺入翠嵐游逍遙樓樹家山
迎得意詩銷此處留

聞雷宣徽薨背初葬歸山

聖代賢臣喪何人不慘顏新祠民祭祀舊
債帝填還鹵簿塵侵暗銘旌洒淚斑功名
誰復繼新葬向鄉山

和馮亞寄進士孫礎

聞思生白髮懶更把菱花久別何州住相

尋恐路差獨飛傷塞雁會宿羨林鴉猶得
君為友時過老母家

送唐肅察院赴闕兼呈府尹孫大

諫

東郊祖帳慘西風愁聽陽關曲調終赤子
泣皆穿繡袂白驢鳴亦戀花驄觸邪暫立
龍墀下儼直將歸鳳閣中大尹相逢憑伏
說官高不敢寄詩筒

和訓益州劉太著同運使薛端公

見寄之什

遙思錦水會荀陳共指棠郊憶卧雲青眼
雖望然蒙望我丹心不覺恨輸君離情杳
杳三千里老病厭八九州惟待急徵同
赴闕一時得見向溪墳

遊藍田王順山晤真寺

藍田王順昇仙處白傳曾題似更稀野客
暫遊期欲住山禽何事叫思歸稱心不獨
烟霞媚適口仍逢笋蕨肥兩日正當寒食

日家園忘却芳菲

留題仙游寺

將從三峽泛扁舟先向仙游寺裏游
水石却驚偏怪異江山狂興一時休

清明日離藍田白鹿原寄王太傅

白鹿原來曉色中人家新火翠烟濃
豈惟心友難為別驢上回頭戀玉峰

寄淮南制置使薛戶

西自荆巫徹海涯南從吳越接京華
半天

下管權何重兩地閒遊路不賒
山澤利均資我國江湖境盡屬君家
帝心已簡身寧媿使額雖雄性不奢
數道轉輸歸檢察滿朝才子動吟誇
搜小奸詐窮毫髮舉薦廉能在齒牙
彩旆雙飄為從物画船一簇是行衙
已聞村落添農器漸見汀洲減釣車
不使旅蒲侵黍稷將令橘柚變桑麻
台州頂自尋仙藥建水湄新採御茶器
量少如波浩蕩風謠多是槽謳啞
閒尋僧話穿雲

葉靜聽漁歌隔浪花野客唱酬客散拙郡
侯送迎厭喧嘩攜筇未遂攀陪去溪上時
時動嘆嗟

懷宗人仲容

尋常念朋友况復是宗人久別彈琴少相
思擲卦頻旅遊湘水遠家寄華山貧早晚
重来此園林又過春

和何學士見詠新得宦

喜得華亭宦看承過所宜防飢先種稻慶
病預鑽龜易愜眠雲意難訓卧錦詩不緣
過郡謝步在相隨

夏日雨中題諤師房

夏雨下如繩虛廊減鬱蒸澆琴移榻避添
硯就簷承暗喜同田父閒聽共野僧苦吟
題壁上欲改又慵能

送外甥李渭進士赴舉

棠樹掄才過禮闈孤寒得解更光輝進身
喜逐賢侯表裏足愁分老母衣千里冬殘

傷獨公一家春盡待榮歸頭方念尔還如
我到闕何人許扣扉

和訓入內趙供奉見贈

出入宮闈侍從官再過林下信溫顏朝天
駐足因臨水馳驛回頭又望山捧詔正當
趨桂殿寄詩那忽到松關老來詩思尤枯
竭莫怪陽春不旋還

和薛察院同龍門知縣劉大著洎

數公禹廟留題

七人廟下立徘徊相顧閒心幾欲摧落日
堪傷四散去再來難得一齊來

三峯主耿殿丞將移陝下通理先

已同袁刑部以唱和詩見寄因
次前韵和訓二首

君移棠樹民皆喜我住東邸却嬾誇拙性
怕逢詩債主病身愁見酒攤家郢辭溫潤
如絲雨蜀紙鮮明如綺霞况是已經仙手
和點頭空使角冠斜

其二

蜀出多才信不虛
淹翔猶未佩銀符
民間惠愛應長有
馬上歌詩豈暫無
休話卜鄰來草澤
即看得路去蓬壺
申湖公暇閒游地
賀監何須說鑑湖

百舌鳥

長截鄰雞叫五更
數般名字百般聲
饒伊饒舌爭先曉
也待青天明即鳴

送吳石赴舉

吳生重赴舉輕別重
傷心貧友欲沽酒
豪家不典琴溪僧
來會送國士到爭
尋預想登科後無
因到竹林

莫秋閒望

水閣閒登望郊原
欲刈禾壞簷巢燕
少積雨病蟬多砧
隔寒溪搗鐘隨晚
吹過扁舟何日去
江上負烟蓑

寄王仲通

仲先別仲通長憶又
長慵有夢應相信
無

書想見容塵埃五十驛山水幾千重
老本難尋訪何時得再逢

送王太傅抽赴闕

憲府吾皇注意偏君今應詔合居先
蛾眉班綴千官上鹿角揚威萬乘前
貴戚前風從此日貧交披霧是何年
相忘枉駕相辭處草屋門開雪滿天

寄陳越學士

損之不見數年餘萬種相思一字無
唯有近來茆屋夢為君時復到皇都

東觀集卷八

大正月金

東觀集目錄

第五卷

答薛端公

送劉燁

送壽師

白蓮堂

寄陳學士

謁孫學士

送錢國博

大正月少

上知府

新井

書黃池谷屋壁

送楊侍禁

郊居二首

謝惠雙雀

次韻

呈孫大諫

雪中

獨酌吟

謝惠雀

送蕭咨

謝張仲允

送魏莊

酬知府四首

送王太傅

暮春

送蹇減用

和都王官

送袁景宗

寄龐房

酬李殿院

題茅亭

將游吳蜀二首

上知府六首

題許氏亭

上知府

贈錢太尉

聯句

東觀集卷之五

宋魏野仲先著

詩

薛端公寄示嘉州道中所作因次

韻以答

繡衣不間薛羅衣春莫嘉州入詠思憶我
茆廬欹枕處當君駄馬着鞭時展眉喜近
龍頭境回首傷遙宦髮期從此親題山館
裏多情頓掩關仙詩

賈島有嘉州之作

送劉燁大著移任龍門知縣

天上書先夢裏傳到施仁政減春寒尚虛
鰲嶺神先任暫作龍門父母官愁悶豈惟
增假寐笑談直恐絕真歡不緣潦倒長相
逐免得離情有萬端

送壽師新加命服後歸蜀

日照孤雲作彩霞帝鄉風去送天涯野人
遙望歸何處萬里峨眉便是家

書閏師白蓮堂

野人禪客合相陪漸老詩心亦共灰朱草
塔前客不去白蓮堂上喜頻來地形各占
幽深境天產俱為散逸材猶恨東郊西寺
遠開門難並水邊開

寄陳越學士託附魏仲容

取次昇沉論等差雲霄獨不忘泥沙常流
對面如千里密友終身如一家魂夢因君
游輦轂書題為我寄烟霞仲容到日還應
說半紀相思兩鬢華

送王專王衢之許下自維揚謁孫
學士王舍人
蹇驢並跨引羸童兩地迢迢謁至公才力
互相鸚鵡敵交情深與鶴鴿同薛能詩在
僧樓上張祐名題酒肆中到日知君尋賞
處醉吟還可繼遺風

送錢國博知坊州

遙為坊民賀一方壽星偏去照光世解攜
朋友龍三處隨侍兒孫雁兩行芳艸路中
車突兀落花風裏旆悠揚眠雲客裏難陪
從空遣吟魂倍恹傷

上知府李殿院十韻

詔選來棠樹花驄擁旆來飢民期再活寒
士賀中興鹿角誰傷觸狼心自戰兢只求
天子信寧避世家憎竊聽無餘事惟愁有
急徵每因公宴樂方遣妓祇承才薄終難
紀情深豈易勝相親容似雀不拜許如僧
郡閣招看雪溪亭訪躡冰轉求詩老退何

以答褒稱

新井

林間鑿井新里巷汲來頻及見羸瓶者翻
思抱甕人乍嘗牙覺冷試煮茗尤珍從此
前溪水潛輕似不仁

書黃池谷主山長屋壁

仲先曾到仲淹家書院穿雲一徑斜勸酒
莫嫌無樂送溪聲鳥語在山花

送楊侍禁赴闕時有甄先生相隨

因為之賦

一種皇華近紫宸文資換必異常倫隨軒
已有三茅客下榻寧無兩制人清洛聽應
移足懶碧嵩想有轉頭頻他時乞得休官
後莫負前言作善隣

和蹇減用暮秋郊居言懷二首

村落秋窮興不窮黃花紅葉照衰容時平
轉稱千般巧年長仍添一倍慵林下移筇
聞遠水洞中欹枕見前峯與君隣里何相

似來往人多是老農

似來往人多是老農
敢學宣尼歎道窮
聞心何處不相容
交用盡笑龜蒙散
隣里偏諳叔夜慵
晚吹清冷彫萬木
殘霞紅淡映三峯
為怜今歲于中稔
欲遣兒孫亦務農

謝劉少諫寄惠雙雀

令威兄弟涉烟波
諫署人教到薜蘿
毛比君情猶恐少
格如我性不爭多
相呼似說冲霄志
對舞初聞擊壤歌
仙術無能騎謝去
青雲未免阻閒過

次韵和同理王耿殿丞見贈

年來暫屈佐元戎
富貴真宜在藥宮
性潔恥分錢子母
時清懶話劍雌雄
公心似水逢形鑑
和氣如春觸物融
莫道州民俱受賜
好詩編得有誰同

送唐殿院罷蜀中提刑赴詔兼呈

孫大諫

花驄出蜀瘦難行急詔乘軺定峻逸清雪
人如辭父母白雲客似別神仙看曉望晴
霞爛熳伴宵征暑月團圓寄語集賢孫大
諫莫嫌未和舊詩篇

雪中書事上李階殿院

草堂高迥樂郊東西望搢節景莫窮山水
城池雲葉裏管絃樓閣雪花中須知應瑞
因仁政不獨呈祥自帝功太守多才又多
暇唱訓翻怯見詩筒

獨酌吟

獨酌獨吟誰與共天為知己月為用水邊
醉卧無人見席有烟莎枕有肱

謝薛省判寄惠雀

早輟仙禽寄逸民年來亦似厭家貧時
東望長鳴處應倚朱門舊主人

送蕭咨下第西歸

驢瘦懶加鞭遲々念獨還聽雞行曉月嘆
雉過春山渭入黃河濁雲峰紫閣閒明年

公道在莫便掩松關

謝張仲允見訪

園林花木發豈是為春游深愧青宮客先
尋白屋人兒童驚茁綬僕隸笑紗巾踏雪
攜詩謝朱門必許親

送魏莊赴舉

百戰去如何羸童逐蹇驢路貧多捧刺學
富少擔書已念離家晚仍憂取事踈西風
酒旗下欲別更躊躇

酬和知府李殿院見訪之什往來

不休因成四首

暫擁紅旌到郡新相知情似舊交親盡驚
慷慨山河注忽訪支離草澤人蘇徑讓慙
揚綉袂溪橋迎喜整紗巾
詩中貴仍揮翰雙美應難繼後塵

其二

玉韻重聽倍爽神銀鈎忽覩更躬親郡侯
喜是風騷主野客慚為唱和人積霧曾侵

紅綉旆異香猶惹白綸巾
兩篇篋裏貞珉
上頻拂看寧有蠹塵

其三

使君誤訪樂郊民
願我何由得暫親
齒旆動駟千百騎
茅亭總着兩三人
旋燒陸羽烹茶鼎
忙換陶潛漉酒巾
可愛水邊松竹上
數朝猶自有香塵

其四

雖喜乘駟到水村
却愁詩敵勢難親
平生未監降旗客
臨老將為棄甲人
勇無心害物雞皮怯
有汗沾巾數篇勉
和情枯竭潦倒詞鋒息
戰塵

送王太傅知建昌軍

莫嘆三山隔五雲
建昌境好說紛紛
雖然尚作貧才子
猶免潛呼老使君
遠逐朱輪輸雁境
陣閒親画舫
羨鷗羣
棠郊獨恨分攜後
高論何時得再聞

莫春雨中作

獨院信寥々蠶生穀未苗殘春無數日積
雨復連宵不恨流光速惟傷去聖遙那堪
當此景時見落花飄

送蹇減用之平陽

蜀客頻遊晉山川木落空軍間無寇俗
儉有堯風雁急長天外驢遲落照中聖君
方選士莫使嘆途窮

和絳臺王都官

絳郡境閒聞人家可閉門馬嘶花下路犬
睡月中村吏亦擎書卷民皆挈酒樽行春
思隱逸多謝動吟魂

送袁景宗之荆渚寧觀

荆渚北堂寧聖善堂陰東閣別嚴君雪村
山館思親夢二十餘宵兩處分

寄龐房

愛子瘦馬上吟詩孟浩然真更似誰雅稱
自將圖畫看况君小筆勝王維

和訓李殿院見訪之什

清嫌水有不清冷間擁朱輪扣掩扇樂廣
喜披溪上霧戴遠慚認月邊星高情稱就
雲為幕雅詠宜鐫石作屏竹裏小亭從此
後因君堪號降賢亭

寄題閩鄉李氏茅亭

閩鄉古邑有吾親河上茅亭結構新五老
分明為北里三峯咫尺是西鄰兒孫不厭
閒游客鷗鷺偏諳醉主人彼此閒雲相隱
夢從今應更往還頻

和酬李殿院以野將遊吳蜀二首

將從西蜀下三湘清世那憂道路長杖履
雖然游自在旌旗寧免到淒涼台公化實
宜歌詠謝傳詩尤愧發揚願得德星歸未
動光芒依舊照毫芒

其三

攜得筇枝背得琴欲浮蜀浪涉吳岑本期
勝境酬雙眼却恨虛名阻片心出似蓬飄
寧免醉住如匏繫不妨吟重酬雅咏重思

想太守相留意最真深

部上知府大同王太尉六首

兩地曾辭最重權
功如溫樹懶能從
來富貴知何限
少有元戎是狀元

其二

暫輟居茵從洛邑
坐棠亦恐不多時
皇儲新策聞求輔
位冠春宮更是誰

其三

五等諸侯稀五福
三朝官只久三台下

一變熙、景賓閣多開印
少開

其四

健擁旌幢七十餘
苦吟還似在山居
腹中萬卷猶嫌少
更待麟州借僻書

其五

薦士滿朝稱弟姪
教民到處過兒孫
就中治陝偏清淨
不似侯門是道門

其六

子細曾看九老圖
科名官職盡難知
更思

呂望同君歲猶自磻溪坐釣魚

吾友山陽蹇子韞常游潁上言彼

之居人有許氏者富不因貧學

非求進于郡之西手植叟木鬱

然成林下構亭壯而不麗郡

倅黃公宗旦皇宗有名之士也

常造馮尚闕歌詩以旌其美故

俾子請詩于予為題八十言以

寄

道勝富如貧亭臨潁水濱一歌思祖德三

徑與僧鄰虛白雖同性丹青不似身趨庭

知有子下榻豈無人紉佩蘭多老成蹊李

盡珍開筵迴雪少聯句聚星頻家譜書難

備州圖畫不真遙題應未的莫把刻貞珉

上知府大同王太尉

履歷三朝五十春坐棠難見輟元臣分茅

已是無雙將折桂兼為第一人郡邑暫為

勞撫恤華魁日望陶鈞下車未暇求民

瘼先向東郊訪隱淪

分符不獨得民誇

玉署清華有棣華

重耳山河初作主

闔閭宮闕舊為家

風飄樓閣高低樂

日照池塘上下花

多謝到州農未

勸雙金先沐寄烟

別雲臺觀同宿饒益寺與薛

聯自古人人足嘆息

嗟閒游得侶復堪誇

野可憐十宿無喧雜

不在僧家即道家

東觀集卷之五

東觀集目錄

東觀集目錄

第六卷

贈張井

啄木鳥二首

送張先

呈劉少諫

詠雪

送李殿院

簡減殿院

東觀集目錄

東觀集目錄

燈花

酬錢學士三首

送王太尉二首

謝惠書

送蹇臧用

新裁竹

贈何泳

送孫推官

題舊隱

贈馮亞

送王專

送邵國華

呈董行父

秋夕

古戰場

春日

哭錢觀察

將游蜀中

疑山石泉并引

送端上人

東觀集卷之六

宋魏野仲先著

詩

和訓張并見贈

溪上閒居四十春
春溪蘭珮蕙為紳
自知吟咏非經濟
誰道機謀學渭濱
三尺焦桐勝面友
數家老友是比隣
少年少謝攜詩什
來訪疎庸潦倒人

啄木鳥二首

爪利嘴還剛殘陽啄更忙千林蟲如盡一
腹餒何妨形小過槐栢聲高近草堂豈同
閒燕雀唯解占雕梁
其二
亂繞園林啄終朝意若何莫因飢不足翻
愛蠹偏多渴映隣下驚從別樹過辛勤詠
還囑無損好枝柯

送張先寧觀

千里寧親去青春勝老萊苦辭西不住堪
送到方回行色秋仍慘離聲晚更哀前程
如有信新雁好頻來

送黨宣負外赴闕兼呈劉少諫

行裝堪入画何馬更羸子到任初棠樹喜
拋州郡籍蘭臺宜掌國圖書草芽綠未侵
官道柳眼青先近帝居願共耀卿來舊地
飄纓擁旆過吾廬

次韵和李殿院詠雪

瑞雪祥雲見盛時功輕苦雨謾霏、墜來

雖作天花瘦消去偏滋麥隴肥太守登樓
飄綉袂幽人出戶亂麻衣隣封願得還如
此免說秦飢與晉飢

送李殿院移鎮淮陽

花駝秋健綉旗開漸送棠郊近帝臺耳目
緊官終拜太服肱雄鎮暫迎來兩州將相
為交代三徑漁樵阻接陪猶賴雅章白刻
石時時間看拂塵埃

送武屯田赴峽路均輸兼簡臧殿

院之什

旌旗如火馬如風十二峯前少去同錦帳
選掄為漕使繡衣交代是家翁蠻兒亦在
提封內神女猶居畏愛中好繼金陵丁太
尉白題盡着碧紗籠

燈花

豈假栽培力自然殊淑芳開非因雨露落
不為風霜鷄似殘鶯嘒蛾如宿蝶狂丹心
塵豈染明焰霧難藏墮睫容看懶画眉人

剪忙杏園游宴者曾借我餘光

不似屢次韵和酬知開封縣錢易學士見

寄三首

赤縣滯清才家曾有國來埋金寧變土燒

玉豈為灰敏手知誰敵冥心懶自媒稚童

蒙寄惠味勝沃醇盃

其二

遠勞仙館客相勉寄書來豈有口更嘆兼

無心可灰來詩云莫嘆鬢如雪且教心似灰貧資閒壽命

吟助道梯媒信拙過朝暮除能泥酒盃

其三

珠落銀鈎向玉牋不還合浦到溪邊無雙

雙美且堪愛似聽湘娥舞舜絃

送王太尉赴詔二首

功名不獨世推降五福天鍾更少雙倚柱

即看宣几杖休閒唯待讓旌幢家園到想

傾金篋鄉宴迎應倒玉缸重過嵩山定回

首白雲深鎖舊吟窓

其二

三朝元老状元稀
乞赴彤庭詔便依
金鼎位高將正拜
璧田家近恐妨歸
殊恩每過莓苔徑
別淚偏沾薜荔衣
從此征車東去後
甘棠風物減光輝

謝王太尉惠書

貴不忘貧賤
華絨到敝廬
分明如國史
子細是家書
情有千重在
詞無一字虛
未諧親謝本
東望但躊躇

送蹇減用省兄

迢遞西南路
山多水莫窮
波濤千里遠
風雪一船空
海獸形難識
蠻僧語不通
此行忘險阻
義與在原同

新栽竹

蒼翠兩三枝
親和凍塊移
旋吟酬得處
就刻記栽時
已任雪頻洒
未禁風苦吹
幽人心自足
千畝復堪嗤

和酬何涑推官見贈

杜牧科名李賀曹初官花幙莫辭勞年顏
不似詩情老公器還如酒戶高我稱卧游
藍嶂外君宜立近赭黃袍雅章訓晚慚庸
拙吟社何人與破逃

送孫推官之闕下

此去知君免歎嗟薦章先已到京華賓筵
沉滯才雖久仙省遨遊路不賒綠映酒旗
村店柳紅迎詩筆御園花幾多祖席棠郊
外馬上回看日已斜

留題華山陳先生舊隱

先生亡不朽太華合為碑至道雖無跡玄
言尚有詩亂飛雲似覓不食雀應悲獨繞
空壇下山風動紫芝

和馮亞見贈

一生無一事兀兀復騰騰信脚雖過寺齋
心不請僧松篁為活計琴酒是良用除却
君酬唱他人亦嬾能

送王粲李安赴舉

同解約同岐情懷獨若為問愁離郡早
恐到京遲歲晚催行計時豐省舉資前
眷渾化去莫忘野人詩

送陝尉邵國華南歸廣州

石棠陰裏邵梅仙守選南歸路七千
辛苦已傷過嶺外別離那忍向花前
到京店舍逢新火度越封疆入瘴烟
相對與君頭盡白不後知會是何年

和王衢見寄兼呈董行父

棄繻東入武牢關帝里經年豈是閒
鷓退暫知淹鳳藻鷗飛即看上鰲山
討論想慰

門人意談笑應開翰長顏

公受知于王內翰行父即門人

也惟我塊然誰處共終朝門掩竹林間

渭上秋夕閒望

秋夕滿秦川登臨渭水邊殘陽初過雨
何樹不鳴蟬極浦涵新月孤帆沒遠烟
漁人空老盡誰似太公賢

戰死掩無墳生降恥負君古今魂易吊貴
賤骨難分狐兔迷莎徑烏鳶噪隴雲誰家
有征婦曾此待回軍

長安春日書事

長安春色自依、大命移應地不知蔓草
已迷雙鳳闕千花猶照九龍池豈無東閣
開今日尚有南山似舊時一月悠游不
足青門欲出步遲遲

哭錢觀察

操麻授鉞器縱橫盡說長城指願成嶽既
孕靈偏有意天何促壽太無情明堂欲建
棟梁折巨海將浮舟楫輕傾未得四旬餘
四載龍旌不覺變銘旌

將游蜀中恨有所滯至情難蓄發
為拙詩寄錦川峽路薛田減奎
二運使提刑楊及

却為虛名動歎嗟難如雲雀轉天涯兩川
尚阻尋三友四海空傳是一家白髮無多

殘歲月青城何限好烟霞此生不遂閑遊
去蜀魄已猶恨莫誇

疑山石泉并引

陝城之東南五十里有山曰疑
山山之下有寺曰興慈寺寺之
中有石泉焉其水清而甘其味
清而潔飲濯灌洒無所不至有
松竹以交蔭無泥沙以相渾湛
然內明外物莫撓野与友人王

專字貞一居于是咏讀之暇但
有月上山椒雖夜永天寒亦往
觀之矣傳曰智樂水予實蒙拙

非思之于兼濟但愛其虛澈爾
噫山非峻以寺而稱寺非壯以
泉而嘉而泉無詩何以旌焉因
作一章凡二十句請貞一書之

于板俟好事者觀之

閒玩正嚴凝神和澹鏡澄至清無隱物微

暖不生冰派想河難雜源疑濟是朋窺魚
光照霍洗鉢影搖僧逗石聲偏響烹茶味
更增四溟終必到八卦內先稱氣逐岩雲
起紋隨竹吹興戲游鱗未化呼應鳥相應
靜樂慙非智成章愧不能終朝臨處也雖
淺亦兢

送端上人南歸

相尋如有事獨太似無依海內山游遍江
邊寺如歸題詩當路少乞食入城稀肯學

尋常輩忙為紫衣

東觀集目錄

卷

東觀集目錄

第七卷

吏隱亭

有感

次趙尚書韻

送王衢

經溫泉

寓興七首

呈孫學士

東觀集目錄

東觀集目錄

贈姚林尉

贈薛偕

次韻

送錢中舍

贈孫何狀元

寄友人

別陳太保

宿晦上人房

夏夜

解城條山并引

宿王闕宅聯句

聯句

東觀集卷之七

宋魏野仲先著

詩

同陝府同判衙吏隱亭

小亭高岸山危絕
復何言墨蹟唐丞相詩
牌宗狀元山形連二華
河勢瀉三門吏隱
真宜此無窮景滿軒

聞李安下第有感

客携春榜至開處
倚柴荆未看御題目先

尋君姓名本期隣狀首敢嘆滯文明不會
玄穹意默然空愴然情

次韻尚書韻

將鉞截瓊瑤親題寄山野喜若再和味如
重啖肉身在蝸廬中心懸雀臺下龍門喜
復登奔馳寧俟駕

送王衢之任德州推官

從軍重疊寄家聲雅稱風流舊信靈功業
即看輝聖日科名先已應台星絲蠶地說
連河翔戎馮塵聞近正是窮愁雨多際
不堪回首向郊坰

經溫泉

堯水不墊民溫泉溺唐祚兵處洗不得翻
為天下汗山鳥徒咬咬翠華問無處

寓興七首

天地無他功其妙在自然堯舜無別聖其
要在知賢知賢無他術觀其出處焉堯苟
不知舜徒云能則天

其二
每念李斯首不及嚴光足斯首不自保光
足舒帝腹我心異老聃驚寵不驚倍豈敢
示他人吟之將自勗

其三
秦鑑雖至明不能自焔燭楚劍徒云利翻
將自殺戮有國苟失賢若洗瞽雙目况履
艱險途舉步成顛覆秦楚昧于斯寶器徒
收蓄

其四
伯夷非好餓展禽非好黜聖人不私已動
為萬世則夷齊苟就祿賊亂何由滅展禽
苟便去何人肯佐國其跡則有殊其道萬
為一

其五
聖人不避嫌小人不避恥伊尹放太甲董
賢居高位嗟嗟若此人堪愛復堪鄙

其六

天地勞覆載日月勞往還此尚不能息何
况居其間鳥獸飲食還悠悠無貪慳如何
人異此晝夜機相関願我道何如心足身
常閒

其七

勿謂患至大君聖民有賴勿謂事至小父
荒子無告因思唐堯九年水少於驪姬數
滴淚

寄河中王專推官兼呈孫學士

風流官職稱紅蓮花發多同太守筵綠醕
十分傾玉笋清商一部列金鈿池塘閒詠
陪靈運樓閣時登異仲先更想清明倚公
暇棲岩藹過到應編

寄贈桃林尉史温

知韞才能負壯心莫嗟作尉尚湮沉幽求
起去登台席居易徵來入翰林望氣臺邊
桑柘密桑縵関畔水雲深憐君况是徵君
後閒擬秋涼策杖尋

贈映縣薛偕主簿

少年來作簿英俊復誰知好事雖聞舊能
官不覺初耽憂因稼穡廢寢為詩書客戀
門前住民欣部內居親科公舍竹教種職
田蔬異日廳應鎖清才本有餘

次韻和王希知縣見贈

從前宰絕文詞喜遇今來併有詩封禪
膀偏推鳳藻陶鎔筆肯轉稽遲訟庭任靜
猶忘寐文會雖忙不後期莫怪林間強酬

和一般民最受深知

送錢中舍移任洋州興道縣兼呈

知郡李屯田

鴛鴻出宰去如何莫為辭親登浩歌淹抑
暫因民製錦騫翔終預帝收羅尊前老淚
流雖盡林下離腸斷已多却羨使君為舊
友公餘開宴日相過

贈孫何狀元

天非道莫尊道非賢莫存始知賢人生與

道為轅輪明廷親選士慮彼賢愚混天子
至文明擢公為狀元一榜三百人嘿誰
復言有如鳳在林歟鳥不敢喧威稜鹿有
角度量海無垠直入仲尼室不願孟軻門
文得古中新陳熟甚已寬一字如一星光
芒不見痕首官來理陝棠樹換枯根淑氣
春風和美化終日暄至誠物莫欺至明物
莫昏平思地治陝清欲變河源我生三十
年未嘗離丘園朴性昧巧習惟知道可敦
貧巷無富車閒地惟雲屯我願為松竹生
在君子軒早夜接清風節高陰更煩何當
親教授如渴飲嚮尊斯言拙且直堪將鬼
神論

寄友人減奎

知己念不見塊然何為生慈母無醜子淡
父有妍情凍雲少舒卷獨窳多哀鳴茲懷
若為寫援琴不成聲

別同州陳太保

至道不在言至言不在舌在琴復在詩諒
惟君子別侯門戟森：中介野人謁非趨
勢利場慕彼仁義轍此去幾遲白忽焉還
歲月孤心傷欲摧凍足澁如折離聲無歌
鐘行色有霜雪去矣當復來琴絃未欲絕

宿晦上人房

野客訪琴僧夜午月又午為我彈薰風似
聽重華語

夏夜與減奎陳越會宿河亭縣聯

句三十韻

雨破畏日沉月出酷暑歇野衙中河亭上
靜與山不別良朋俱遠來文會一何悅越
箕踞巾為間玩好琴樽列野煩禮厭拘攣
陳言誓擺脫奎揮塵影差參飯果香馥烈
越酒令時解嚴談鋒久不缺野樂天無荒
淫飽德異饕餐奎高談聞謔浪正義排詭
譎抗倍絕依違評文無詆訐野輿論鄙壽
張奴學賤剽竊奎徵引角競出聯唱更相

發越較善合摧衡馳義同軌轍野萬物情
難逃千古疑皆決奎聖道約扶持淫辭謀
剗削越風鑿定妍媸天机藏巧拙野是物
有廢興是道無本末奎義路自坦夷世途
終兀臬越烈士死光輝常健生汨沒野逸
氣小風雲直筆輕斧鉞奎孟軻心不動陶
潛腰恥折越疲倦僕屢屢更輝映燭頻跋
野浩歌不成調狂舞寧赴節奎氣候隨斗
占分野為星別越蛩韻時斷續漁燈乍明
滅野河聲疑地震電影若天裂奎飄風奪
輕紈零露透疎葛酒海傾屢空詩源浩不
竭野咸平己亥歲二年時六月奎此會是
何人具名野奎越越

解城條山并引

解城之南出五里抵中條山山
有絕壁介立儼若峽東緣岸沂
流似有人跡琅玕玉衢趙郡李
識處士魏野江東僧用晦披蓑

索徑深入數百步止于泉石之
溪道路未遠塵事且隔風鳥風
物鳴動左右而山語野笑樂坐
日因相与濯足命為聯句詩一
章凡二十句用晦書于岩壁時
淳化五年秋八月三十日

萬仞雲根泉清冷濯我足用晦森森
甲凜寒肌肉嚮來初自試探坐久頻野
縮野觸開浪花白踏破苔衣綠嚮肺腑亦

清冷形影相照燭用晦忽罷避游魚未歸
妨渴鹿野懼濁遠泥沙就陰憐草木嚮浸
潤易調暢狎玩難拘束識欲伐我未能先
起人何速野此會高且閒願繼漢父躅用晦
宿王闢宅与王粲泊用晦上人因

成聯句

夜淺月未生春寒雪猶在闕吳僧攜古琴
來与山人會專詩心有是非禪話無慷慨
野高鴻自冥冥弋者復何害用晦

淳化五年秋八月二十四日鉅鹿

魏野江東僧用晦趙郡李識登

解瑯瑯王衢令聯句詩一章凡

六十四句

危城間登臨秋色際空碧衢四顧廓且平

萬慮忽然釋用晦精誠日月暗曠達天地

窄野壯節但孤聳墳氣欲四射衢塩穴狂

風狂峭壁濃嵐滴識膽氣高虛空眼目無

疆域用晦幽耳如濯洗剛腸若剗剔衢高

談俗不聞佳句景來索野四時歸牢籠萬

象在咫尺衢山勢出高華地界連虞虢識

意脫喧卑場神入清虛宅千峯如聚拳

萬木同森戟用晦白雲閒不動飛鳥相忽

逆野平莎類裊褥遠籟當琴瑟衢定交心

欲剖言利口難擘野不作蔽雲日願為補

天日石用晦道在樂詩書時平偃金羊笑

傲得良用狂散得勍敵野筆功壓班輸酒

賜欺烏獲衢逸思驟雨傾歡情湍水激識

玄門匪防禦學海詎沉溺衢實果間酒巡
隣谷如歌拍野頭郇鍾儀冠足愛謝公履
用晦靜勝貫兵法默論通禪寂衢聚散傷
輪蹄興止悲簡冊識迴飈激吟魂長空挂
醉魄野泉石無榮枯塵埃自休戚用晦鳥
道晚採樵人家晴種麥衢暮野牛羊雜重
虛鷹隼擊識涿鹿樹圍青鹽池霞焰赤野
畫牛羨山相狎鷗憐海客衢古人柯界屑
束縛于名跡東觀集卷之七終

東觀集卷之七終

